


土岐文庫
文庫17
W82
19



文庫 17
W 82
19

文公集鈔

五三

朱子文公諱熹字元晦一字仲晦徽州婺源人中紹興
進士第歷事高孝光寧四朝仕至轉運副使崇政殿說
書煥章閣待制致仕年七十一卒理宗贈太師封信國
公改徽國屢經薦召為小人所沮抑旋仕旋已道終不
行知南康時建復白鹿洞書院遊武夷愛其山水奇宕
築精舍論道其中所至生徒雲聚教學不倦天下效為
學日急不顧也孝宗時侍郎胡銓以詩人薦同王庭珪
內召故朱子自註詩云僕不能詩平生僥倖多類此然
雖不役志於詩而中和條貫渾涵萬有無事模鑄自然
聲振非淺學之所能窺此和順之英華天縱之餘事也

邵武道中



昭和六十年二月一日贈
土岐善吉唐氏寄

010183188456

風色戒寒候歲事已逶遲勞生尚行役遊子能不悲林壑
無餘秀野草不復滋禾黍經秋成收斂已空畦田翁喜歲
豐婦子亦嘻嘻而我獨何成悠悠長路岐凌霧卽曉裝落
日命晚炊不惜容髻凋鎮日長空飢征鴻在雲天浮萍在
青池微蹤政如此三歎復何爲

客舍聽雨

壬申

沈沈蒼山郭暮景含餘清春靄起林際滿空寒雨生投裝
卽虛館簷響通夕鳴遙想山齋夜蕭蕭木葉聲

對雨

虛堂一遊矚驟雨滿空至的皪散芳塘冥濛結雲氣勢逐
風威亂望窮山景翳煙靄集林端蒼茫欲無際涼氣襲輕
裾炎氛起秋思對此景淒淒還增沖淡意

讀道書作

四山起秋雲白日照長道西風何蕭蕭極目但煙草不學
飛仙術日日成醜老空瞻王子喬吹笙碧天杪

月夜述懷

皓月出林表照此秋牀單幽人起晤歎桂香發窻間高梧
滴露鳴散髮天風寒抗志絕塵氛何不棲空山

冬雨不止

怒怒時序改白日藏光輝重陰潤九野小雨紛微微蒼山
寒氣淡高林霜葉稀田家秋成意落落垂所期曠望獨興
懷戚戚愁寒飢事至當復遣且掩荒園扉

贈仰上人

澗谷秋雲曉飄飄無定姿氛氲升遠樹凌亂起寒颼雨罷

成孤鶴天高逐散絲上人歸別嶺心跡但如斯

卽事偶賦

白煙竟日起雨晦蒼山滾老菊不復妍丹楓滿高林抱病
寢齋房窻戶結愁陰起望一舒情遐眺豁煩襟人生亦已
勞世路方崎嶇且詠招隱作無爲名跡侵

寄題咸清精舍清暉堂

山川佳麗地結宇娛朝昏朝昏有奇變超忽難具論千嵐
蔽夕陰百嶂明晨暎宵林擢遙景回澗盪秋氛覽極慚未
周窮深遂忘喧欲將身世遺况託玄虛門境空乘化往理
妙觸目存珍重忘言子高唱絕塵紛

寄山中舊知

客子歸來晚江湖欲授衣路岐終寂寞老大足傷悲忼慨

平生志冥茫造物機清秋鵬鷲上萬里看橫飛

故園今夜半林影澹逾清曳杖南溪路君應獨自行潺湲
流水息蕭索早秋聲盡向琴中寫焉知離恨情

述懷

夙尚本林壑灌園無寸資始懷經濟策復愧軒裳姿效官
刀筆間朱墨手持謂言殫蹇劣詎敢論居卑任小才亦
短抱念一無施幸蒙大夫賢加惠寬策答撫已實已優於
道豈所期終當反初服高揖與世辭

喜晴

衝飈動高柳淥水澹微波日照秋空淨雨餘寒草多放懷
遺簿領發興託烟蘿忽念故園日東阡時一過

曉步

初日麗高閣廣步愛脩廊重門掩秋氣高柳陰方塘闔海
冬尚溫晏陰天未霜坐悲景物殊亦念歲時荒故園屬佳
辰登覽遍陵岡賓遊盡才彥蕭散屏壺觴別來時已失懷
思寧甞忘宦遊何所娛要使心懷傷

憶齋中

高齋一遠眺西南見秋山景翳夕陰起竹密幽禽還賞愜
慮方融理會心自閑誰料今爲客寥落一窻間

夢山中故人

風雨蕭蕭已送愁不堪懷抱更離憂故人只在千巖裏桂
樹無端一夜秋把袖追歡勞夢寐舉杯相屬暫綢繆覺來
却是天涯客簷響潏潏瀉未休

南安道中

曉澗淙流急秋山寒氣淡高蟬多遠韻茂樹有餘音煙火
居民少荒蹊草露侵悠悠秋稼晚寥落歲寒心

九日

故國音書阻一方天涯此日息茫茫風煙歲晚添離恨湖
海尊前卽大荒薄宦驅人向愁悴舊游唯我最顛狂細思
萬石亭前事辜負黃花滿帽香

晚望

禾黍彌平野淒涼故國秋清霜凝碧樹落日翳層丘覽物
知時變爲農覺歲道不堪從吏役憔悴欲歸休

夜雨二首

擁衾獨宿聽寒雨聲在荒庭竹樹間萬里故園今夜永遙
知風雪滿前山

故山風雪深寒夜只有梅花獨自香此日無人問消息不
應憔悴損年芳

留安溪三日按事未竟

縣郭四依山清流下如駛居民煙火少市列無行次嵐陰
常至午陽景猶氛翳向夕悲風多遊子不遑寐我來亦何
事吏桀古所記奉檄正淹留何當語歸計

安溪書事

清溪流不極夕霧起嵐陰虛邑帶寒水悲風號遠林涵山
日欲晦窺閣景方沉極目無遺眺空令愁寸心

六月十五日詣水公庵雨作

雲起欲爲雨中川分晦明纔驚橫嶺斷已覺疎林鳴空際
早塵滅虛堂涼息生頽澹滴瀝餘忽作流泉傾况此高人

居地偏園景清芳馨雜情禱俯仰同鮮榮我來偶茲適中
懷澹無營歸路綠泱泱因之想巖耕

同僚小集梵天寺坐間雨作已復開霽步至東橋玩

月賦詩二首

傑閣翔林杪披襟此日閒層雲生薄晚涼雨遍空山地迥
衣裳冷天高澄霽還出門迷所適月色滿林關
空山看雨罷微步喜新涼月出澄餘景川明發素光星河
方耿耿雲樹轉蒼蒼晤語逢清夜茲懷殊未央

梵天觀雨

持身乏古節寸祿久棲遲翫寄靈山寺空吟招隱詩讀書
清磬外看雨暮鍾時漸喜涼秋遠滄洲去有期

兼山閣雨中

兩山相接雨冥冥四牖東西萬木清面似凍梨頭似雪後
生誰與屬遺經

登閣

橫空敞新閣高處絕炎氛野迥長風入天秋涼氣分憑欄
生逸想投迹遠人羣終憶茆簷外空山多白雲

和劉抱一

幾年牢落舊村墟此日翛然水竹居病起試尋春逕草客
來聊煮雪畦蔬開樽細說平生事信手同繙集古書適意
何勞一千卷新詩閒出笑談餘

梅花開盡不及吟賞感歎成詩聊貽同好

憶昔身無事尋梅只怕遲沉吟窺老樹取次折橫枝絕艷
驚衰鬢餘芳入小詩今年何草草政爾負幽期

觀書有感二首

半畝方塘一鑑開天光雲影共徘徊問渠那得清如許爲
有源頭活水來

昨夜江邊春水生蒙衝巨艦一毛輕向來枉費推移力此
日中流自在行

示西林可師二首

身世年來欲兩忘一春隨意住僧房行逢舊隱低回久綠
樹鶯啼清晝長

幽居四畔只空林啼鳥落花春意深獨宿塵龕無夢寐五
更山月照寒衾

次韻劉彥采觀雪之句

朔風吹空林眇眇無因依但有西北雲冉冉東南飛須臾

層陰合慘澹周八維凍雨不流淵飛花舞妍姿翳空乍滅
沒散影還參差萬點隨飄零百嘉潛潤滋徘徊詠久默
識造化機上寒下必溫欲積無根基漸看谷樹變稍覺叢
篁低浩然遂同色宇宙乃爾奇繁華改新觀凜冽忘前悲
摘章愧佳友佇立迎寒吹感此節物好嘆息今何時當念
長江北鐵馬紛交馳

次韻彥承病中口占

一榻流年度篝燈遙夜闌短衾閒自擁清鏡莫頻看竹窻
初驚雪梅疎却耐寒從今花木夢無復在雕欄

奉陪判院丈充父平父兄宿回向用知郡丈壁間舊

題之韻

暮雨停驂處僧廬古道邊千峰環傑閣一水下平田行役

無期度經過幾歲年明朝須飽飯躡足上寒煙

數日前與判院丈有宋村之約雪中有懷奉呈判院

通判二丈

雲垂天濶歲將闌一室脩然獨掩關擁褐不知風折木開
軒惟見雪漫山玄空杳靄低迷外碧樹瓏璵掩映間吟罷
左息招隱句扁舟無路過長灣

奉陪彥集充父同遊瑞巖謹次莆田使君留題之韻
踏破千林黃葉堆林間臺殿鬱崔嵬谷泉噴薄秋逾響山
翠空濛晝不開一罨祗今藏勝槩三生疇昔記曾來解衣
正作留連計未許山靈便却回

伏讀二劉公瑞巖留題感事興懷至於隕涕追次元
韻偶成二篇

誰將健筆寫崖陰想見當年抱膝吟緩帶輕裘成昨夢遺
風餘烈到如今西山爽氣看猶在北闕精誠直自深故壘
近聞新破竹起公無路祇傷心右懷寶學公作近聞西兵
進取關陝其帥卽公舊部
曲也

投絃歸來卧赤城家山無處不經行寒巖解榻夢應好絕
壁題詩語太清陳迹一朝成寂寞靈臺千古自虛明傳來

舊業荒蕪盡慚愧秋原宿草生

右懷病翁先生作翁領崇
道祠官故有赤城之句

入瑞巖道間得四絕句呈彥集充父二兄

憶昔南遊桂樹陰歸來遺恨滿塵襟籃輿此日無窮思萬
崕千巖秋氣深

翩翩一馬兩肩輿路轉秋原十里餘共說前山深更好不
辭迢遞款禪居

清溪流過碧山頭空水澄鮮一色秋隔斷紅塵三十里白
雲黃葉共悠悠

風高木落晚秋時日暮千林黃葉稀祇有蒼蒼谷中樹歲
寒心事不相違

壽母生朝

秋風蕭爽天氣涼此日何日升斯堂堂中老人壽而康紅
顏綠鬢雙瞳方家貧兒癡但深藏五年不出門庭荒竈墜
十日九不煬豈辦甘脆陳壺觴低頭包羞汗如漿老人此
心久已忘一笑謂汝庸何傷人間榮耀豈可常惟有道義
息無疆勉勵汝節彌堅剛熹前再拜謝阿娘自古作善天
降祥但願年年似今日老萊母子俱徜徉

社後一日作

聖作重品節等殺古所詳里有秦社稷僭差遂無章王綱
諒已頹精意尚不忘尚論千載前簡編有遺芳侃侃陳孺
子恂恂萬春鄉敬恭事耆老禱賽謹田桑悠悠我里居歲
事有故常向來諸老翁惇龐亦端莊交神庶或享與物同
樂康今我胡不樂悵然下頹岡古人不可見今人自猖狂

偶題三首

門外青山翠紫堆幅巾終日面崔嵬只看雲斷成飛雨不
道雲從底處來

擘開蒼峽吼奔雷萬斛飛泉湧出來斷梗枯槎無泊處一
川寒碧自縈回

步隨流水覓溪源行到源頭却惘然始悟真源行不到倚
筇隨處弄潺湲

借韻呈府判張丈既以奉箴且求教藥

一生江海迥無疇材大應容小未周景好身閑真復樂酒
酣耳熱却堪憂飛騰莫羨摩天鵠純熟須參露地牛我亦
醒狂多忤物頗能還贈一言不

卽事有懷寄彥輔仲宗二兄二首

一水方涵碧千林已變紅農收爭暖日老病怯高風徒倚
非無計心期莫與同向來歡會處離合太匆匆
聞說雙飛槩翩然下廣津江湖知子樂魚鳥諒情親淹速
須關命行藏不繫人三山雖好在惜取自由身

次知府府判二丈韻

憶昨中秋夕寒盟約重尋幔亭權舉酒江閣快論心月墮
俱忘起疊空始罷斟祇今千嶺隔悵望一何深

武夷之遊
張王二丈

元履子厚及熹與焉江閣之集子衡移具知府丈亦賜臨

志士懷韜略奇兵吼鎮干關河那得往肝膽不勝寒壯節

悲如許雄圖渺未闌皇輿方仄席陋巷敢求安

得浙中知舊書云聖上留意武備諸郡練卒皆點名閱武賜賚有加戎士感奮

題祝生畫

裴侯愛畫老成癖歲晚倦遊家四壁隨身只有萬疊山祕

不示人私自惜俗人教看亦不識我獨摩挲三太息問君

何處得此奇和璧隋珠未為敵答云衢州老祝翁曾次自

有陰陽工峙山融川取世界咳雲唾雨呼雷風昨來邂逅

衢城東定交斗酒歡無窮自然妙處容我識為我掃此須

吏中爾時聞名今識面回首十年齊掣電裴侯已死我亦

衰祗君雖老身猶健眼明骨輕鬚不變筆下江山轉葱蒨

為君多織機中練更約無事重相見

秀野以喜無多屋宇幸不礙雲山為韻賦詩熹伏讀

佳作率爾攀和韻劇息慳無復律呂笑覽之餘賜

以斤斧幸甚

高人山水心結習自無始五畝江上園清陰遍桃李一堂

聊自娛三徑亦可喜試問避俗翁何如尊賢里

溫公獨樂園在尊賢里

門前車馬客無非朝大夫問公獨何事中歲遽此圖長安

二三公髮白形枯臞隱憂念名節亦有此樂無

隱憂念名節張大參

君侯嗜圖史插架何其多徙居三十乘流汗幾索馳千載

誰晤語端居自絃歌至哉天下樂歲月如予何

西山一何高雲氣出寒麓中有無事人鳴泉遶茅屋宴坐
今幾何無以媚幽獨興至偶成篇呼兒爲余讀

我居溪山中茅舍破不補上見風攪林下有雲承宇聞公
落新宮戶牖不可數懶惰心力衰念公亦良苦

夜吟招隱詩月落寒泉井自非千載人誰與其清景散髮
心朗寥凝神味淵永功名恐相期富貴非所幸

仙人空山居道意妙羣物度世君則然脩身吾豈不飛行
仰雲路趺坐探理窟獨夜扣星壇清齋且簪笏

青山背夕陽茲景公所愛虛堂日落時遷坐一解帶嵐分
疑有處鳥度知無礙須臾暮色來默默無與會

端居屏塵慮萬事付一尊客來語世故舉白當浮君超搖
謝衆甫尊沓從諸孫何以自怡悅窓中見秋雲

清溪何迢迢上有千仞山山中學仙侶白石爲門關丹經
苦吟哦至道窮躋攀豈知人間世風塵縈九寰

伏讀秀野劉丈間居詠謹次高韻率易拜呈伏乞痛

加繩削是所願望

積芳圃

樂事從茲不易涯朱門還似野人家行看靚艷須攜酒對
坐清陰只煮茶曉起蒼涼承墜露晚來光景亂蒸霞平生
結習今餘幾試數毗那禱上花

春谷

武夷高處是蓬萊采得靈根手自栽地僻芳菲鎮長在谷
寒蜂蝶未全來紅裳似欲畱人醉錦障何妨爲客開飲罷
醒心何處所遠山重疊翠成堆

山人方丈

方丈儵然屋數椽
檻前流水白清漣
蒲團竹几通宵坐
掃地焚香白晝眠
地窄不容揮麈客
室空那有散花天
箇中有句無人薦
不是諸方五味禪

挽蔬園

未覺閒來歲月頻
荷鋤方喜土膏勻
連畦已放瑤簪露
覆地行看玉本新
小摘登盤先餉客
晚炊當肉更宜人
却憐寂寞公儀子
拔盡園蔬不喫貧

秋香徑

門外黃塵沒九逵
坊中叢桂長樛枝
三秋冷蕊從開落
終歲清陰不改移
幽徑祇愁空翠滴
濃香一任晚風吹
攀援却恨王孫遠
惆悵千林時

曲池軒

去年種竹長新篁
今歲穿渠過野塘
自喜軒窓無俗韻
亦知草木有真香
林間急雨生秋思
水面微風度晚涼
却厭端居苦無事
凭欄閒理釣絲長

秀野劉丈寄示南昌諸詩和此兩篇

滕王閣下水初生
聞道登臨復快晴
帝子詎知陳迹在
長江宵趁曲池平
山楹雨罷珠簾卷
簷鐸風驚玉佩鳴
滿眼悲涼今古恨
人生辛苦竟何成
知向潮邊弄碧漪
闌干三撫漾晴暉
流傳妙語驚離濶
想像清游欲奮飛
公去不應停驛騎
我來直欲挂朝衣
南州高士何由見
且看新荷出水稀

次秀野韻五首

史君簾閣對脩筠起看名園雨後春便賦新詩畱野客更
傾芳酒醉花神未酬管樂平生志且作羲黃向上人祇恐
功名相迫逐不容老子卧漳濱

滿園紅紫已爭新百轉幽禽亦喚人蠟展未妨泥步穩珍
叢終恨雨來頻卧看曉色忻初霽起約良游醉好春却笑
當年金谷燕相隨僕僕望車塵

惆悵春餘幾日光從今風雨莫顛狂急呼我輩穿花去未
覺詩情與道妨蘿帶不須吟杜若角弓聊復賦甘棠淋浪
坐客休辭醉飲罷晞身向九陽

知公久矣厭喧卑造物尊前喚小兒一醕未應幾側弁十
分聊爾快翻卮治中寂寞凝塵日令尹憂勞退食時正好
相尋發孤笑莫教牢落負心期

當年共剪北山萊脩竹成陰手自栽書卷莫教春色老柴
荆宥爲俗人開公能顧我傳新句我欲畱公發舊醅悵望
南園芳樹底明年應放小車來

留秀野劉丈二首

好雨當春過一犁我公遠憶故園西孤篷穩轉清灘急十
里行穿綠樹齊路熟已欣經霧市身輕未怕躡雲梯諸孫
剩欲畱公住細和新詩可指迷

一去屏山今幾春歸來三逕但荒榛剪除却便風煙好徙
倚還驚物色新樓外千林遮去路堦前一水戀行塵勸君
更作畱連計同社追遊苦未頻

次秀野滄波館刈麥二詩

傳聞泛宅賀新成破月衝煙取次撐鷁首斜飛寒浪急篷

窓側轉好山橫知公與有江湖迴顧我詩無玉雪清欲跨
船舷還未敢幾時得伴鏡中行

貽謀夙昔但聲歌今見郊園樂事多且喜旣婁符善禱未

須蘆菹輦去聲妖娥霞觴政自誇真一香鉢何煩問畢羅我

欲賣刀來學稼不知還許受屢磨小說有人中麥毒夢紅
裳娘子悲歌有一九蘆

次秀野躬耕桑陌舊園之韻二首

郊園旱久只多蹊昨夜欣沾雨一犁已辦青鞋隨老圃便
驅黃犢過溪農談剩喜鄉鄰近饁具仍教婦子攜指點
竹寒沙碧處不知何似錦城西

丈人高致邈難干雲夢何如曾次寬老去未妨詩律在人
來只怕酒杯乾故開麥隴供家釀更有蘭皋付客看下走
才慳慙屬和願公物色稍留殘

又和秀野一首

江臯晴日麗芳華翠竹踈踈映白沙路轉忽逢沽酒客眼
明惟見滿園花望中景助詩人趣物外春歸釋子家向晚
却尋芳草徑夕陽流水遶村斜

次秀野詠雪韻三首

閉門高卧客來稀起看天花滿院飛地迴杉篁增勝槩庭
虛鳥雀噪空飢酒腸凍澁成新恨病骨侵凌減舊肥賴有
袁生清興在忍寒應未泣牛衣

一夜同雲匝四山曉來千里共漫漫不應琪樹猶含凍翻
笑楊花許耐寒乘興正須披鶴氅瀹甘猶喜破龍團無端
酒息催吟筆却恐長鯨吸海乾

開門驚怪雪交加，亂落橫飛詎有涯。
密竹不妨呈勁節，早梅何處覓殘花。
山陰客子須乘興，洛下先生想臥家。
病廢杯觴寒至骨，哦詩無復更豪誇。

次秀野極目亭韻

偶向新亭一破顏，高情直寄有無間。
地偏已隔東西路，天濶長圍遠近山。
浩蕩祇愁雲霧合，輪囷却喜暮雲還。
不堪景物撩人甚，倒盡詩囊未許慳。

又

坐看山花落，慢顏不知身在翠雲間。
食寒到處雨復雨，客裏歸來山又山。
孤燈閉，無心棲鳥暮忘還。
世情分逐流年去，只有詩情老更慳。

次秀野春晴山行紀物之句

祇憑詩律作生涯，到處山林總是家。
便與清尊卧芳草，不妨皁蓋拂殘花。
側聞溫詔詢耆艾，好趁春風入殿衙。
回首能忘舊猿鶴，一篇聊爾記年華。

再用韻題翠壁

孤亭一目盡天涯，俯瞰煙村八九家。
翠壁長年懸布水，綠陰經雨墮危花。
杖藜徒倚凝春望，覓句淹留到晚衙。
珍重詩翁莫相惱，枯腸攪斷鬢絲華。

次山行佳句呈秀野丈

曛曛朝日出高巖，簌簌征衣曳曉嵐。
向來孤舊意林泉，老去覺真貪。
淒涼煙火一百五，零落交遊十二三。
歎息

世事卧吹橫笛過溪南

次秀野雜詩韻

葺居

丈人高卧碧江頭門掩西風萬木秋重喜青山還遶屋却
嫌黃葉漸平溝開軒且放浮嵐入決水徐通廢圃流便覺
園林頓蕭爽不妨隨境味玄幽

假山焚香作煙雲掬水為瀑布二首

平地俄驚紫翠堆便應題作小飛來爐熏細
姿出綫
潤遙分壁色開獨往但憑南郭几遠遊休剪北山萊人言
造化無私力珍重仙翁挽得回
一簣功夫莫坐談便教庭際湧千巖眼中水石今成趣物
外煙霞舊所耽泉細寒聲生夜窅香銷暝靄變晴嵐兒童
也識幽棲地共指南山更近南

檳榔五絕卒章戲簡及之主簿

莫年藥裹關身切此外翛然百不貪
薏苡載來綠下氣檳榔收得為祛痰

錦文縷切勸加餐
屨炭扶留共一椀食罷有時求不得英
雄邂逅亦飢寒

向來試吏著南冠
馬甲蠓山得飫餐却藉芳辛來解穢雞
心磊落看堆枰

箇中有味要君參
齧春喉久不甘珍重人心亦如此莫
將寒苦換春酣

高士沈迷簿領書
有時紅糝綴玄須定知不著金枰貯兒
女心情本自無
劉穆之初仕為主簿

答王無功在京思故園見鄉人問

王詩云旅泊多年
歲志去不知迴忽

逢門外客道發故鄉來
斂眉俱握手破涕共銜杯
慇懃訪朋舊屈曲問童孩
衰宗多弟姪若箇賞池

臺舊園今在否新樹也應栽柳行疎密布茆齋寬窄裁經移何處竹別種幾株梅渠當無絕水石計總生苔院果誰先熟林花那更開羈心祇欲問為報不須猜行當驅下澤去剪故田萊

我從銅川來見子上京客問我故鄉事慰子羈旅色子問我所知我對子應識朋遊總彊健童稚各長成華宗盛文史連墻富池亭獨子園最古舊林間新垌柳行隨堤勢茅齋看地形竹從去年移梅是今年榮渠水經夏響石苔終歲青院果早晚熟林花先後明語罷相歎息浩然起深情歸哉且五斗餉子東臯耕

題鄭德輝悠然堂

高人結屋亂雲邊直面羣峰勢接連車馬不來真避俗簞瓢可樂便忘年移笻綠嶂成三徑回首黃塵自一川認得淵明千古意南山經雨更蒼然

長溪林一鶚秀才有落髮之願示及諸賢詩卷因題其後二首

聞說當機百念休區區何更苦營求早知名教無窮樂陋巷簞瓢也自由
貧里煩君特地過金襴誰與換魚蓑宅年雲水經行遍佛法元來本不多

送德和弟歸婺源二首

十舍辛勤觸熱來琴書曾未拂塵埃秋風何事催歸興步出闔山黃葉堆
十年寂寞抱遺經聖路悠悠不計程悞子南來却空去但將迂濶話平生

次韻謝劉仲行惠筍

誰寄寒林新斲笋開奩喜見白差差知君調我酸寒甚不
是封侯食肉姿

次王宰立春日大雪韻

是身已分老菟裘宵爲春回作許愁偶去尋芳朝信馬却
來踏雪夜驅牛鋪筵不見小垂手聯句空慚高結喉更約
桃花紅浪暖却陪履舄上蘭舟

送張彥輔赴闕

執手何草草送君千里道君行入脩門披膽謁至尊問君
此去談何事袖有諫書三萬字明堂封禪不要論智名勇
功非所敦願言中興聖天子脩政 從此始深仁大義
天與通農桑萬里長春風朝綱清 軍律舉邊屯不驚卧
哮虎一朝決策向中原著鞭寧許它人先

觀祝孝友畫卷

天邊雲遶山江上煙迷樹不向曉來看詎知重疊數
草閣臨無地江空秋月寒亦知奇絕景未必要人看

祝孝友作枕屏小景以霜餘茂樹名之因題此詩
山寒夕飈急木落洞庭波幾疊雲屏好一生秋夢多

齋居感興二十首

余讀陳子昂感寓詩愛其詞旨幽邃音節豪宕非當世
詞人所及如丹砂空青金膏水碧雖近乏世用而實物
外難得自然之奇寶欲效其體作十數篇顧以思致平
凡筆力萎弱竟不能就然亦恨其不精於理而自託於
僊佛之間以爲高也齋居無事偶書所見得二十篇雖
不能探索微眇追迹前言然皆切於日用之實故言亦

近而易知既以自警且以貽諸同志云

崑崙大無外旁薄下深廣陰陽無停機寒暑互來往皇籙古神聖妙契一俯仰不待窺馬圖人文已宣朗渾然一理貫昭晰非象罔珍重無極翁爲我重指掌

吾翁陰陽化升降八紘中前瞻既無始後際那有終至理諒斯存萬世與今同誰言混沌死幻語驚盲聾

人心妙不測出入乘氣機凝冰亦焦火淵淪復天飛至人秉元化動靜體無違珠藏澤自媚玉韞山含暉神光燭九垓玄思徹萬微塵編今寥落歎息將安歸

靜觀靈臺妙萬化從此出云胡自蕪穢反受衆形役厚味紛朶頤妍姿坐傾國崩奔不自悟馳騫靡終畢君看穆天子萬里窮轍迹不有所招詩徐方御宸極

涇舟膠楚澤周綱已陵夷况復王風降故宮黍離離至聖作春秋哀傷實在茲祥麟一以踣反映空漣沔漂淪又百年僭侯荷爵珪王章久已喪何復嗟嘆爲馬公述孔業託始有餘悲拳拳信忠厚無乃迷先幾

東京失其御刑臣弄天綱西園植姦穢五族沉忠良青青千里草乘時起陸梁當塗轉凶悖炎精遂無光桓桓左將軍仗鉞西南疆伏龍一奮躍鳳雛亦飛翔祀漢配彼天出師驚四方天意竟莫回王圖不偏昌晉史自帝魏後賢盍更張世無魯連子千載徒悲傷

晉陽啟唐祚王明紹巢封垂統已如此繼體宜昏風塵聚瀆天倫牝晨司禍凶乾綱一以墜天樞遂崇崇淫毒穢宸極虐焰燔蒼穹向非狄張徒誰辦取日功云何歐陽子秉

文公詩集 卷之九
筆迷至公唐經亂周紀凡例孰此容侃侃范太史受說伊
川翁春秋二三策萬古開羣蒙

朱光徧炎宇微陰眇重淵寒威閉九野陽德昭窮泉文明
昧謹獨昏迷有開先幾微諒難忽善端本綿綿掩身事
戒及此防未然閉關息商旅絕彼柔道牽

微月墮西嶺爛然眾星光明河斜未落斗柄低復昂感此
南北極樞軸遙相當太一有常居仰瞻獨煌煌中天照四
國三辰環侍苟人心要如此寂感無邊方

放勛始欽明南面亦恭已大哉精一傳萬世立人紀猗歟
歎日躋穆穆歌敬止戒熒光武烈待旦起周禮恭惟千載
心秋月照寒水魯叟何常師刪述存聖軌

吾聞包犧氏爰初闢乾坤乾行配天德坤而協地文仰觀
玄渾周一息萬里奔俯察方儀靜噴然千古存悟彼立象
意契此入德門勤行當不息敬守思彌敦

大易圖象隱詩書簡編訛禮樂矧交喪春秋魚魯多瑤琴
空寶匣絃絕將如何興言理餘韻龍門有遺歌程子晚居龍門之南

顏生躬四勿曾子曰三省中庸首謹獨衣錦息尚絅偉哉
鄒孟氏雄辨極馳騁操存一言要為爾筆表領丹青著明
法今古垂煥炳何事千載餘無人踐斯境

元亨播羣品利貞固靈根非誠諒無有五性實斯存世人
逞私見鑿智道彌昏豈若林居子幽探萬化原
飄飄學仙侶遺世在雲山盜啓元命秘竊當生死關金鼎
蟠龍虎三年養神丹刀圭一入口白日生羽翰我欲往從
之脫屣諒非難但恐逆大道偷生詎能安

西方論緣業早卑喻羣愚流傳世代久梯接凌空虛顧盼
指心性名言超有無捷徑一以開靡然世爭趨號空不踐
寶蹟彼榛棘途誰哉繼三聖爲我焚其書

聖人司教化賢序育羣材因心有明訓善端得浚培天叙
旣昭陳人文亦褰開云何百代下學絕教養垂羣居競葩
藻爭先冠倫魁淳風反淪喪擾擾胡爲哉

童蒙貴養正孫弟乃其方鷄鳴咸盥櫛問訊謹暄涼奉水
勤播灑擁篲周室堂進趨極虔恭退息常端莊劬書劇嗜
炙見惡逾探湯庸言戒癡誕時行必安詳聖途雖云遠發
軔且勿忙十五志於學及時起高翔

哀哉牛山木斤斧日相尋豈無萌蘖在牛羊復來侵躬惟
皇上帝降此仁義心物欲互攻奪孤根孰能任反躬良其
背肅容正冠襟保養方自此何年秀穹林

玄天幽且默仲尼欲無言動植各生遂德容自清溫彼哉
夸毗子咕囁徒啾喧但逞言辭好豈知神監昏日余昧前
訓坐此枝葉繁發憤永刊落奇功收一原

卜居

卜居屏山下俯仰三十秋終然村墟迥未愜心期幽近聞
西山西深谷開平疇茆茨十數家清川可行舟風俗頗淳
朴曠土非難求誓捐三徑資往遂一壑謀伐木南山顛結
廬北山頭耕田東溪岸濯足西水流朋來卽共懽客去成
孤遊靜有山水樂而無身世憂著書俟來哲補過希前脩
茲焉畢暮景何必營菟裘

鵝湖寺和陸子壽

德義風流夙所欽，別離三載更關心。偶扶藜杖出寒谷，又枉籃輿度遠岑。舊學商量加邃密，新知培養轉深沉。却愁說到無言處，不信人間有古今。

奉陪機仲宗正景仁太史期會武夷而文叔茂實二友適自昭武來集相與泛舟九曲周覽巖壑之勝而機仲景仁唱酬迭作謂僕亦不可以無言也衰病懶廢那復有此勉出數語以塞嘉貺不足爲外人道也

此山名自西京傳丹臺紫府天中，天似聞雲鶴時降集，應笑磨螿空回旋。我來適此秋景晏，青楓葉赤搖寒煙。九還七返不易得，千巖萬壑渠能專。同遊幸有二三子，天界此段非徒然。梁郎季子山澤耀，傅伯爰益瀛洲仙。相逢相得要疆附，却恨馬腹勞長鞭。黃花未和白雪句，畫舸且共清冷川。回船罷酒三大息，百歲誰復來通泉。景仁數日屢誦此句盈虛有數，豈終極爲君出此窮愁篇。

復用前韻敬別機仲

君家道素幾葉傳，只今用舍懸諸天。屹然砥柱戰河曲，宥似落葉隨風旋。奮髯忽作蝟毛磔，浩氣勃若霄中煙。隱憂尚喜遺直在，壯烈未許前人專。武夷連日聽奇語，今我兩腋風冷然。初如茫茫出太極，稍似冉冉隨羣仙。安能局促夜起舞，下與祖逖爭雄鞭。終憐賢屈惜往日，亦念聖孔悲徂川。願君盡此一杯酒，預澆舌本如懸泉。沃心澤物吾有望，勒移忍繼鍾山篇。

讀機仲景仁別後詩語因及詩傳綱目復用前韻

道有默識無言傳向來誤矣空談天只今斷簡窺蠹蝕似
 向追蠡看盡旋始知古人有妙處未遽秦谷隨飛煙終然
 世累苦妨奪下惟發憤那容專一心正爾息鴟至兩手欲
 救驚頭然書空且復罷咄咄屢舞豈暇陪仙仙兩年罷詩
止酒故
 功名况乃身外事我馬肆兀甘回鞭解頤果值得水井謂
 傳鑒古亦會朝宗川謂網兩公知我不罪我便可築室分
 林泉十年燈下一夜語閒日共賦春容篇

讀通鑑紀事本末用武夷唱和元韻寄機仲

先生諫疏莫與傳忠憤激烈號旻天却憐廣文官舍冷只
 與文字相周旋上書乞得聊自屏清坐日對銅爐煙功名
 馳騫往莫悔鈇槩職業今當專要將報答陛下聖矯首北
 闕還潛然屬詞此事有深意愚愚護短驚羣仙空言未棄

太史筆自幸已執畱臺鞭魏公以畱臺領書局時韓果然

敕遣六丁取香羅漆匣浮桐川陰疑有戒竦皇鑒恭聞上

有履霜堅陽剝欲盡生玄泉明年定對白虎殿更誦大學

水之語中庸篇頃在武夷宮講正心誠意

拜張魏公墓下

衡山何巍巍湘流亦湯湯我公獨何往劔履在此堂念昔
 中興初孽豎倒冠裳公時首建義自此扶三綱精忠貫宸
 極孤憤摩穹蒼元戎二十萬一旦先啓行西征奠梁益南
 轅無江湘士心旣豫附國威亦張皇縞素哭新宮哀聲連
 萬方黠聞褫魄經營久徬徨玉帛驟往來士馬且伏藏
 公謀適不用拱手遷南荒白首復來歸髮短丹心長拳拳
 冀感格汲汲勤修攘天命竟難謀人事亦靡常悠然謝言

鼎騎龍白雲鄉坐令此空山名與日月彰千秋定軍壘岌
峩遙相望賤子來歲陰烈風振高岡下馬九頓首撫膺淚
淋浪山顏今幾年志士日慘傷中原尚 人類幾豺狼
公還浩無期嗣德煒有光恭惟宋社稷永永垂無疆

登定王臺

寂寞番君後光華帝子來千年餘故國萬事只空臺日月
東西見湖山表裏開從知爽鳩樂莫作雍門哀

次敬夫登定王臺韻

今朝風日好抱病起登臺山色愁無盡江波去不回客懷
元老草節物又疎梅且莫催歸騎憑欄更一杯

風雪未已決策登山用敬夫春風樓韻

披風蘭臺宮看雨百常觀安知此山雲對面隔霄漢羣陰
匝寰區密雪渺天畔峩峩雪中山心眼悽欲斷吾人愛奇
賞遞發臨河嘆我知沍寒極見現今當泚不須疑吾言第
請視明且蠟展得鴈行籃輿或魚貫

雪消溪漲山色尤可喜口占

頭上瓊岡出舊青馬邊流水漲寒汀若爲留得晶熒住突
兀長看素錦屏

羅漢果次敬夫韻

目勞足倦登喬嶽吻燥腸枯到上方從遣山僧煮羅漢未
妨分我一杯湯

泉聲次林擇之韻

空巖寒水自悲吟遙夜何人爲賞音此日團欒都聽得他
時離索試追尋

自方廣過高臺次敬夫韻

素雪留清壁蒼霞對赤城我來陰壑晚人說夜燈明貝葉
無新得蒲人有舊盟咄哉寧負汝安敢負吾生

清疑作青

石廩峰次敬夫韻

七十二峰都挿天一峰石廩舊名傳家家有廩高如許大
好人間快活年

過高臺攜信老詩集夜讀上封方丈次敬夫韻

十年聞說信無言草草相逢又黯然借得新詩連夜讀要
從苦淡識清妍

贈上封諸老

夜宿上封寺儵然塵慮清月明殘雪裏泉溜隔窓聲楮衲
今如許緋袍那復情爐紅虛室暖聊得話平生

十六日下山各賦一篇仍迭和韻

絕頂來還晚寒窓睡達明連牀眇歸息三宿悵餘情雲合
山無路風回雪有聲嶽祗珍重意只此是將迎

讀林擇之二詩有感

自此後係東歸亂藁

筍輿隨望入寒煙每誦君詩輒黯然今夜定知連榻夢一
時飛墮錫山前

竹輿傲兀聽嘔啞合眼歸心已到家遊子上堂慈母笑豈
知行李尚天涯

馬上贈林擇之

與君歸思渺悠哉馬上看山首共回認取山中奇絕處他
年無事要重來

梅溪陂下作

野牛浮鼻過寒溪，落木崩攔水下陂。俗手定應摹不得，無人說與范牛知。

舟中見新月，伯崇擇之二友皆已醉，卧以此戲之。舟中見新月，煙浪不勝寒。與問醉眠客，豈知行路難。殘陽猶水面，孤鴈更雲端。篷底今宵意，天邊芳歲闌。

次韻擇之進賢道中漫成

白酒頻斟當啜茶，何妨一醉野人家。據鞍又向岡頭望，落日天風雁字斜。

笑指斜陽天外山，無端長作翠眉攢。豈知男子桑蓬志，里東西不作難。

夜宿林岡月滿川，歸期屈指正茫然。也知地脉無羸縮，把酒陰晴更問天。

誰作窓間擁鼻聲，更哦樂府短歌行。從教永夜清無事，恐畏晨雞不宥鳴。

日暮重岡上，人勞馬亦飢。不妨隨野雀，容易宿寒枝。

山行兩日至金步，復見平川行夷路。計程七日可到，家矣。

行穿側徑度荒山，又踏深泥過野田。路轉忽然開遠望，眼明復此見平川。江煙浦樹悲重疊，楚水閩山喜接連。稅駕有期心轉迫，稜稜瘦馬不勝鞭。

次韻擇之金步喜見大江有作

江頭四望遠峰稠，江水中間自在流。並岸東行三百里，水源窮處卽吾州。

此江發源分水嶺，故前詩有楚水閩山接連之句。

鈔山立春六言二首

文公詩少

二十六

雪擁山腰洞口春迴楚尾吳頭欲問闔天何處明朝嶺水南流

行盡風林雪徑依然水館山村却是春風有脚今朝先

柴門

九日登天湖以菊花須插滿頭歸分韻賦詩得歸字
去歲瀟湘重九時滿城寒雨客思歸故山此日還佳節黃
菊清罇更晚暉短髮無多休落帽長風不斷且吹衣相看
下視人寰小祇合從今老翠微

歸報德再用前韻

幾枝藤竹醉相攜何處千峰頂上歸正好臨風眺平楚却
須入谷避斜暉酒邊泉溜寒侵骨坐上嵐光翠染衣踏月
過橋驚易晚林坳回首更依微

次知郡章丈遊山之韻

前峰鸞鶴去無踪解后荒尋得故宮但覺風煙隨意好便
驚塵土轉頭空提壺命駕幽期遠授簡哦詩妙處同安得
西山一丸藥共隨簫鼓向雲中

送林擇之還鄉赴選三首

青驪去路欲駸駸回首猶須話此心一別便成三數月有
疑誰講過誰箴

門外槐花似欲黃高堂應望促歸裝箇中自有超然處宥
學兒曹一例忙

今朝握手送君歸馬上薰風拂面吹不用丁寧防曲學寒
窓久矣共心期

擇之寄示深卿唱和烏石南湖佳句輒次元韻

未識南湖景遙欣二子遊賞心并勝日妙語逼清秋
騰欲攜書卷相將買釣舟微吟歸去晚杜若滿汀洲
平湖渺空濶積水暮生寒但見綠千頃不知深幾尺
元迫隘世路足艱難若了滄洲趣無勞正眼言

擇之賢友歸途左顧示以四明酬唱煥爛盈編三復
咏嘆想見聚遊之樂輒用黃山卽事之韻賦呈
之兼懷子重老兄順之賢友

十年身卧白雲堆已分黃塵斷往回不是幽人遺俗去
尋流水渡關來三秋風月從頭說千里湖山靚面開
久矣過逢須一快豈知勞結倍難裁

遊密庵分韻賦詩得還字

我行得佳友勝日尋名山春山旣妍秀清溪亦

造禪扉小憩腰脚頑窮探意未已理策重躋攀入谷翳
密俯澗隨泓灣誰將百尺綃挂此長林間雄聲殷地厚洪
源瀉天慳偉哉奇特觀償此一日閒所恨境過清悄愴暮
當還顧步三嘆息人生何苦艱

遊密庵分韻賦詩得絕字

閩鄉饒奇山仙洲故稱傑巍然一峰高復與眾山絕傳聞
極目處天水遠明滅萬里倏往還三光下羅列我來發孤
興徑欲躋嚙噪病骨竟支離何當攀去轍

游畫寒以茂林脩竹清流激湍分韻賦詩得竹字

仙洲幾千仞下有雲一谷道人何年來借地結茅屋想應
厭塵網寄此媚幽獨架亭俯清湍開徑玩飛瀑交遊得名
勝還往有篇牘杖屨或鼎來共此巖下宿夜燈照奇語曉

策散游目茗椀共甘寒蘭臯薦清馥至今壁間字來者必
三讀再拜仰高山懔然心神肅我生雖已後久此寄齋粥
孤興屢呻吟羣遊幾追逐十年落塵土尚幸不遠復新涼
有佳期幾日戒征軸宵興出門去急雨遍原陸入谷尚輕
埃解裝已銀竹虛空一瞻望遠思翻感恧袒跣亟躋攀冠
巾如膏沐雲泉增舊觀怒響震寒木深尋得新賞一簣今
再覆同來况才彥行酒屢更僕從容出妙句珠貝爛盈剝
後生更疊疊俊語非碌碌吾纓不復洗已失塵萬斛所恨
老無奇千毫真浪禿

圭父約爲金斗之遊次韻獻疑聊發一笑

幾日春風未破寒遠峰晴露玉嶺旣不成蠟屐攜筇去且
復鉤窓挂額觀聞道追遊當作意故應期日尚能寬陰崖

凍合無垂練却恐詩翁興易闌

奉酬圭父末利之作

玉蘂琅玕樹天香知見薰露寒清透骨風定遠含芬爽爽
銷繁暑高情謝曉雲遙憐河朔飲那得醉時聞

雲關

白雲去復還黃塵到難入只有澗水聲出關流更急

蓮沼

亭亭玉芙蓉迥立映澄碧只愁山月明照作寒露滴

杉逕

南起雲關口縈迂上草堂天風發清籟山月度寒光

雲莊

小丘橫翠几層嶂復嗟峨釋耒閒來看巖姿此處多

泉硤

入關但平田復此得清響何必問真源神襟一蕭爽

石池

兩岸蒼峭石護此碧泓寒秋月來窺影驪珠吐玉盤

山檻

山檻一悵望恨此雲迷谷仙人不可縹緲雙髻綠

藥圃

長鏡斲靈根時此泉下圃珍劑未須論丹莢已堪煮

井泉

山高澤氣通石竇飛靈液默料谷中雲多應從此出

西寮

畬田種胡麻結草寄林樾珍重無心人寒樓弄明月

晦菴

憶昔屏山翁示我一言教自信久未能巖棲冀微效

懷仙

西望多奇峰北瞰獨仙府欲致武夷君石壇羅杯醕

揮手

山臺一揮手從此斷將迎不見塵中事惟聞打麥聲

雲社

自作山中人即與雲為友一嘯雨紛紛無勞三奠酒

桃溪

澗裏春泉響種桃泉上頭爛紅紛委地未肯出山流

休菴

別嶺有精廬林巒亦幽絕無事一往來茶瓜不須設

雲谷合記事目效併體戲作三詩寄李通

雲關須早築基趾要堅牢栽竹行教密穿池岸欲高乘春
移茵茵帶雪覓蕭慘謂杉徑也更向關門外疏泉斬亂蒿
堂成今六載上雨復旁風逐急添茆葢連忙畢土功謂柱下貼
塼桂林何日秀蘭逕幾時通并築雙臺子東山接水筒
莊舍宜先立山楹却漸營泉疏藥圃潤堰起石池清早印
荒田契仍標別戶名想應頻檢校祇恐欠方兄

彥集奉檄歸省示及佳篇次韻奉酬呈諸兄友

遊子息親久聚糧不堪官裏簿書忙平生况少鷹鷂意此
日尤慙時世粧臘雪未消歡奉檄春風初轉喜還鄉上堂
佳慶從容問一嚼何妨累十觴

彥集兄再適臨汀惠顧蓬華賦詩留別眷予良勤次

韻祖行言不盡意

賸喜君才老更成伊優叢裏見孤撐官身未免心徒壯親
膝頻違淚欲橫簿領不嫌春筍束廉聲要比玉壺清枉車
投翰殷勤甚安得仁言與贈行

宿休菴用德功壁間韻贈陳道人

暮八千峰裏寒棲一草菴室連丹竈暖厨引石泉甘塵慮
紛難到神光暖內含非君有道氣孤絕詎能堪

崇壽客舍夜聞子規得三絕句寫呈平父兄煩為轉

寄彥集兄及兩縣間諸親友

空山初夜子規鳴靜對琴書百慮清喚得形神兩超越不
知底是斷腸聲
空山中夜子規啼病怯餘寒覓故衣不為明時堪眷戀久

知岐路不如歸

空山後夜子規號斗轉星移月尚高夢裏不知歸未得已
驅黃犢度寒臯

入南康界閱圖經感陶公李渤劉凝之事戲作

長官定笑歸來晚中允應嫌去却回惟有山人莫相笑也
曾還俗做官來

立秋日同子澄寺簿及僉判教授二同寮星子令尹
約周君段君同遊三峽過山房登折桂分韻賦詩
得萬字輒成十韻呈諸同遊

抗塵幾何時猿鶴共悲怨豈知朱墨暇乃適山水願茲晨
秋令初休沐謹邦憲佳賓忽四來英僚亦三勸駕言北郭
門謝此楹隼建散日山崔嵬縱轡路脩蔓凭欄快倒峽躋

怒因脫輓追攀林樾深懽喜脚力健登高眺遠滿衆景爭
自獻何必仍丹丘徑欲凌九萬

分韻得眠意二字賦醉石簡寂各一篇呈同遊諸兄
驅車何所適往至秋雲邊企彼澗中五舉觴醉飛泉懷哉
千載人矯首辭世喧淒涼義熙後日醉向此眠仰視但青
冥俯聽驚潺湲起坐三太息涕泗如奔川神馳北闕陰息
屬東海壖丹衷竟莫展素節空復全低徊萬古情惻愴顏
公篇爲君結茅屋歲暮當來還

醉石

天秋山氣深日落林景翠亦知後騎迫且復一流憩環瞻
峰列屏迥矚泉下瀉永懷仙陸子久挹浮丘袂于今知幾
載故宇日荒廢空餘醮壇石香火誰復繼更憐韋刺史五
字有真意虎竹付歸人悲風起橫吹沉吟向絕迹浩蕩發

幽寄來者知為誰念我儻三喟簡寂

遊白鹿洞熹得謝字賦呈元範伯起之才三兄并示

諸同遊者

歲月有環周窮臘忽受謝眷眷山水心幸此朱墨暇招呼
得良友邂逅成夙駕深尋故轍迹喜見新結架永懷拾遺
公藏器此待價橫流詩書澤下及楊李霸炎神撫輿運制
作流大化石室萬卷藏綸言九天下規模未云遠荒蕪良
可詫自非賢邑宰誰復此精舍會當求救賜畢願老耕稼
匪與盡心期臨流抗風謝

白鹿講會次卜丈韻

宮墻蕪沒幾經年祗有寒煙鍊澗泉結屋幸容追舊觀題
名未許續遺編請為洞主不假青雲白石聊同趣謂西澗霽月光

風更別傳

謂濂溪夫子

珍重箇中無限樂諸郎莫苦羨騰鶩

和張彥輔初到南康之句

十年不共賦陽春正有留中萬斛塵失喜清詩還入手細
看佳句轉驚人知公近覺青山好顧我頻嗟白髮新肯過
寒齋共尊酒向來心事請深陳

秋日告病齋居奉懷黃子厚劉平父及山間諸兄友

出山今幾時忽忽歲再秋江湖豈不永我興終悠悠况復
逢旱魃農畝無餘收赤子亦何辜黃屋勞溪憂而我忝朝
寄政荒積懋尤懷痾卧空閣惻愴增綢繆東南望故山上
有玄煙浮平生采芝侶寂寞今焉倚朝遊雲峰巔夕宿寒
巖幽為我泛瑤瑟冷然發清謳裂牋寄晨風問我君何求
洪濤換君枕狹硤摧君輶君還苦不早無乃非良謀再拜

謝故人低徊更包羞桂華幸未歇去矣從公游

夜坐有感

秋堂天氣清坐久寒露滴幽獨不自憐茲心竟誰識讀書久已懶理郡更無術獨有憂世心寒燈共蕭瑟

戲贈勝私老友

槐花黃盡不關渠老向功名意自疎乞得山田三百畝青燈徹夜課農書勝私先侍講嘗著農書三卷

代勝私下一轉語

碓下泉鳴溜決渠屋頭桑樹綠扶疎朱虛正自知田事馬服何妨讀父書

和戴主簿韻

平生本自好樓居况接高人永晝餘共喜江山入尊俎從

教幕府省文書感君宥出新詩句恨我終息舊草廬擬借韋編訂龍馬免推納甲話蟾蜍戴嘗有麻衣易說自以為得之異人云

奉同尤延之提舉廬山雜詠十四篇

白鹿洞書院

在郡城東北十五里事見記文

昔人讀書地町疇白鹿場世道有升降茲焉更表章矧今中興年治具一以張絃歌獨不嗣山水無輝光荒榛適剪除聖謨已汪洋亦有皇華使宥來登此堂問俗良懇惻懷賢增慨慷雅歌有餘韻絕學何能忘

折桂院黃雲觀

在書院東北五里院後作亭取李白黃雲萬里動風色之句名之

城中東北望五老何蒼蒼下有前朝寺一原頗深藏門前林澗幽屋後雲木荒閒窓亦明潔著此瑞錦張僧房有更能理枯筇步上林北岡仰視天宇濶俯瞰江流長即黃觀

書彼何人姓字不足詳竹帛有遺臭桂樹徒芬芳李逢吉嘗讀書此院去而登第以故得名

楞伽院李氏山房

在折桂西十里李公擇讀書處有東坡記文詩刻枯樹墨跋

躡石循急礮穿林度重岡
俛入幽谷邃仰見奇峰蒼
李公英妙年讀書此雲房
一去上臺閣致身何慨慷
蘇公記詩書文字有耿光
餘事亦騷雅戲墨仍風霜
兩公不歸來歲月忽已荒
何用建遺烈寒泉薦孤芳

棲賢院三峽橋

在楞伽西五里

兩岸蒼壁對直下成斗絕
一水從中來湧湍知幾折
石梁據其會迎望遠明滅
倏至走長蛟捷來翻素雪
聲雄萬靈震勢倒千嶂
噪足掉不自持魂驚詎堪說
老仙有妙句千古擅奇崛
尚想化鶴來乘流弄明月

西澗清淨退庵

在棲賢西三里劉凝之隱居事黃大史詩語名之

凌兢度三峽窈窕復一原
絕壁擁蒼翠奔流逝潺湲
聞昔避世人寄此茅三間
壯節未云遠高風杳難攀
深尋得遺墟縛屋臨清灣
坐眠寒木杪飛泉闕雲關
茲游非昔游累解身復閒
保此清淨退當歌不能緩
解印後與友生游集徘徊久之

卧龍庵武侯祠

在西澗西三里

空山龍卧處蒼峭神所鑿
下有寒潭幽上有明河落
我來愛佳名小築寄幽壑
永念千載人丹心豈今昨
英姿儼繪事凜若九原作
寒藻薦芳馨飛泉奉明酌
公來識此意顧步慘不樂
抱膝一長吟神交付冥漠

萬杉寺

在卧龍西十里

休沐聊命駕駕言何所之行
尋慶雲寺想像昭陵時
門前

杉徑深屋後杉色奇空山歲年晚鬱鬱凌寒姿當年雨露
恩千載有餘滋匠石不敢睨孤標儼相持寺前後杉萬本皆天聖中植有
旨禁剪更啓石室藏仰瞻天像垂願以清淨化永爲太平
寺藏仁祖御飛白書有清淨字

開先漱玉亭 在萬杉西二里亭舊在橋上今廢

奇哉康山陽雙劍屹對起上有橫飛雲下有瀑布水崩騰
復璀璨佳麗更雄偉勢從三梁外影落明湖裏平生兩仙
句詠嘆深仰止三年落星灣悵望眼空昧今朝隨杖屨得
此弄清泚更誦玉虹篇塵襟諒昭洗

簡寂觀 在開先西五里陸脩靜所居

高士昔遺世築室蒼崖陰朝真石壇峻煉藥古井深結交
五柳翁屢賞無絃琴相攜自蓮渚一笑傾夙心晚歲更市

朝故山鎖雲岑柴車竟不返鸞鶴空遺音脩靜晚爲宋明

于崇我來千載餘舊事不可尋四顧但絕壁苦竹寒蕭穆
虛館相傳竹是脩靜手植其萌卽所謂甜苦筍者

歸宗寺 在簡寂西十里

金輪紫霄上寶界鸞溪邊往昔王內史願香有餘煙相傳

王右軍故宅 千年今一歸景物還依然澗水旣蕩滿山花亦清

妍不辭原隰勞樂此賓從賢訪古共紆鬱勞農獨勤拳憐
我乖勝踐裂牋寄真詮逃禪公勿遽且畢區中緣是日嘉
得陪杖履

陶公醉石歸去來館 在歸宗西五里

予生千載後尚友千載前每尋高士傳獨歎淵明賢及此
逢醉石謂言公所眠况復巖壑古縹緲藏風煙仰看喬木

陰俯聽橫飛泉景物自清絕優游可忘年結廬倚蒼峭舉
觴酌潺湲臨風一長嘯亂以歸來篇

温湯

在醉石南二里

連山西南來中斷還崛起干霄幾千仞據地三百里飛峰
上靈秀衆壑下清美逮茲勢力窮猶能出奇偉誰燃丹黃
燄爨此玉池水客來爭解帶萬劫付一洗當年謝康樂絃
絕今已矣水碧復流温相息五湖裏康樂湖中詩云水碧
輟流温豈未見此水
也耶

康王谷水簾

谷口景德觀在温湯西十五里入谷
又十五里至簾下

循山西北驚崎嶇幾經丘前行荒蹊斷豁見清溪流一瀑
臺殿古再涉川原幽紫紆復屢渡乃得寒巖陬飛泉天上
來一落散不收披崖日璀璨噴霧風颼颼追薪爨絕品清

茗澆窮愁敬酌古陸子何年復來遊

陸鴻漸茶經第此水
為天下第一

落星寺

在郡城南湖中

浩浩長江水東逝無停波及此一回薄湖平煙浪多孤嶼
屹中川層臺起周阿晨望愛明滅夕游驚蕩磨極目青冥
茫回瞻碧嵯峨不復車馬迹唯聞榜人歌我願辭世紛茲
焉老漁叢會有滄浪子鳴舷夜相過

游天池

三年落星渚北望天池山臨風幾浩歎欲往無飛翰今朝
復何朝陟此青雲端高尋已奇絕俯瞰何其寬西窮濂溪
源東盡溢城關渺然滄波外淮山碧連環我意殊未極更
思出塵寰何當駕輕鴻八表須臾間視此長江水滔滔儻
西還

山北紀行十二章章八句

祇役廬山陽矯首廬山陰雲峰不可覩碧澗何由尋昨朝

解印章結友同窺臨盡彼巖壑勝滿茲仁知心子以閏月

罷郡是夕出城宿羅漢二十八日宿白鹿二十九日登黃

雲觀度三峽窺玉淵憩西澗飲西原宿卧龍四月一日過

開先宿歸宗二日浴湯泉入康王谷觀水簾宿景德觀三

日與清江劉清之子澄永嘉張揚卿清叟等陽王阮南卿

周順龜父長樂林用中擇之洛陽趙希漢南紀會稽陳祖

永慶長武當祁真卿師忠溫陵吳兼善仲達廬陵許子春

景陽新安胡莘尹仲建安王朝春卿長樂余鵬占之陳士

直彥忠黃榦季直臨淮張彥先致遠會稽僧指南明老俱

行窺臨事若何請從圓通說逶迤山門路悄悄篋列溪

仍侯家名屋是孱王設何救忝離歌喟焉傷覆轍地名侯

溪本侯氏所居李後主取以為寺東觀濟錦繡谷俯仰春三環懸泉忽流瑋雜樹紛青紅屢

憩小亭古幽探息無窮石門澗正在天池山下有小菴二

山道錦繡谷再過小橋橋背疎身長林端策足層崖表仰

瞻空界澗俯歎塵寰小天池西欽崆佛手東窈窕杖屨往

復來憑軒瞰歸鳥盡錦繡谷登山稍高無復林木坡陀而

木不竭東過佛手巖石室嵌空中有井泉僧緣崖斯須暮

雲合白日無餘暉金波從地湧寶燄穿林飛僧言自雄誇

俗駭無因依安知本地靈發見隨天機天池院西數步有

是遊人請燈處僧云燈非禱不見是日不禱而光景明滅

頃刻異狀諸生或疑其妄予謂僧言則妄而此光不可誣

豈地氣之盛而然耶深尋雨林間清波貫華屋蓮社有遺蹤草堂非

舊築修廊餘故刻好醜雜珉玉亦復記經行深慙後人讀

五日下午山至東西林兩寺相去不百步一溪清駛橫貫其

間皆自方丈前廊廡下過他處所無有也白蓮池在東林

法堂前白公草堂基在寺東久廢近歲復翊數椽制殊狹

陋然亦非其正處矣是日題名屬寺僧刻於成通莊田記

石行軒復東驚祠城當晚遊胡然冠蓋集不盡心期幽夜

厭百谷喧旦失千峰稠出門有遺恨回首空網繆晚至太

宮唐九天使者祠也江州教授翁名卿載酒有與山水誠

乃奇云誰究終始曩遠亦何人神君豈其鬼東西妄采獲

誣諂共恢詭百世踵謬訛羹倫口頽圯東林慧遠雜取孔

嘗著沙門不敬王者論唐明皇自言親見使者降於殿庭

且狂乾坤有真心日月垂休光茫茫宇宙內此柄孰主張

北渡石塘橋西訪濂溪宅喬木無遺株虛堂唯四壁竦瞻

德容睥跪薦寒流碧幸矣有斯人渾淪再開闢平生勞仰

止今日登此堂願以圖象意質之中几傷先生寂無言賤

子涕泗滂神聽儻不遺惠我息無疆六日拜濂溪先生書

久說太極圖義先生之曾孫彥卿正明長江磯寺尊酒聊

對設孰是十日遊遽成千里別英僚樹嘉政素友厲孤節

努力莫相忘清宵共明月七日薛洪持志王仲傑之才攜

還軍子澄許張歸廬陵南卿龜父還家擇之之湖南予與

買船至演平拜建康劉公墓下遂入城假館梅山堂

感涕有作

維舟新曆口步上秣陵阡高丘忽嵯峨宿草迷荒烟拜起

淚再滴哀哉不能言驅車且復東借此虛堂眠念昔堂中

人經營幾何年一旦舍之去千秋不言還露井益清淥風

林更修鮮息公獨不見涕下如奔川感慨西州門愴恨山

陽篇晤歎日隱樹悲歌月當軒堂堂忠孝心終古諒弗諉

尚與吳門子歸來故山巔

晚雨涼甚偶得小詩請問遊山之日并請劉平父作

主人二首

幾年不踏仙洲路夢入青藤古木間好趁新秋一番雨晝
寒亭下弄潺湲

廬阜歸來祗短筇解包茶茗粗能供若須載酒邀賓客付
與屏山七老翁

昨爲許進之書胎仙字因以名其室或疑欠舞字者
故作此以解之

寒山寒月冷颼颼隻影孤桐萬里遊帝樂夢回三疊遠胎
仙舞罷一簾秋未愁悄寂無人會只恐踟躕不自休却笑
蕊珠何處所兩忘蝴蝶與莊周

熹伏蒙休齋先生惠詩見留謹次高韻二首

忽驚蕭颯鬚毛秋起向泉山覓舊遊盤谷門前淚沾臆雲

臺溪上雪蒙頭歸歟吾黨又千里老矣心期但一丘珍重
休齋書滿屋可無三宿爲君留

望望西山日幾回更憐一雨洗浮埃遠遊莫說雲門寺往
事聊尋單父臺雞犬蕭疎迷洞口交親零落半巖隈尊前
見在君須鬪速上籃輿相逐來

奉酬九日東峰道人溥公見贈之作

幾年回首夢雲關此日重來兩鬢斑點檢梁間新歲月招
呼臺上舊溪山三生漫說終無據萬法由來本自閒一笑
支郎又相惱新詩不落語言間

伏承侍郎使君垂示所與少傅國公唱酬西湖佳句
謹次高韻聊發一笑

越王城下水融融此樂從今與衆同滿眼芰荷方永日轉

頭禾黍便西風湖光盡處天容濶潮信來時海氣通酬唱
不誇風物好一心憂國願年豐

石馬斜川之集分韻賦詩得燈字

改歲風日好出門欣得朋復招里中彥及此雲間僧行行
涉清波斯亭一來登徙倚綠樹蔭摩挲蒼石稜遙瞻原野
春仰視天宇澄一水既紆鬱羣山正峻嶒時禽悅新陽潛
魚躍輕冰却念去年日俯仰愁予膺長吟斜川詩日落寒
煙凝暝色變晴景清尊照華燈顏顏感川祖稚齒歡年增
酒盡不能起朱欄各深凭

行視武夷精舍作

神山九折溪沿泝此中半水深波浪濶浮綠春渙渙武夷
九曲多急流亂石此第五曲上有蒼石屏百仞聳雄觀巖

巖露垠堦突兀倚霄漢此峰夷上削下峻地峭立如淺麓

下縈迴深林久叢灌胡然閱千載逮此開一旦峰下小山

平地數十丈喬木長藤茂林修竹交相蔽隱舊無人迹我

乾道己丑予舟過而樂之及今始能卜築以酬曩志

乘新村船輟棹青草岸榛莽喜誅鋤面勢窮考按居然一

環堵妙處豈輪奐左右轟奇峰躊躇極佳玩方經始時予

至是送別山西始自新村買舟以來視所縛屋三間制度

殊草草然背負大隱屏面直溪南大山左有魏王上昇峰

右有鍾模三敘是時芳節闌紅綠紛有爛好鳥時一鳴王

孫遠相喚山多暫遊意已愜獨往身猶絆珍重舍瑟人重

來足幽伴已約初夏與同志皆往遊集

淳熙甲辰仲春精舍閒居戲作武夷權歌十首呈諸

同遊相與一笑
武夷山上有仙靈山下寒流曲曲清欲識箇中奇絕處權

歌閒聽兩三聲

一曲溪邊上釣船慢亭峰影蘸晴川虹橋一斷無消息萬

崕千巖鎖翠煙

二曲亭亭玉女峰插花臨水為誰容道人不復荒臺夢興

入前山翠幾重

三曲君看架壑船不知停權幾何年桑田海水今如許泡

沫風燈敢自憐

四曲東西兩石巖巖花垂露碧氈毯金雞叫罷無人見月

滿空山水滿潭

五曲高山雲氣深長時煙雨暗平林林間有客無人識款

乃聲中萬古心

六曲蒼屏遶碧灣茅茨終日掩柴關客來倚權巖花落猿

鳥不驚春意閒

七曲移船上碧灘隱屏仙掌更回看人言此處無佳景只

有石堂空翠寒

後二句一本作却憐昨夜峰頭雨添得飛泉幾道寒

八曲風煙勢欲開鼓樓巖下水縈洄莫言此處無佳景自

是遊人不上來

九曲將窮眼豁然桑麻雨露見平川漁郎更覓桃源路除

是人間別有天

過蓋竹作二首

二月春風特地寒江樓獨自倚闌干箇中詎有行藏意且

把前峰細數看

浩蕩鷗盟久未寒征驂聊此駐江干何時買得魚船就乞

與人間畫裏看

答袁機仲論啓蒙

忽然半夜一聲雷萬戶千門次第開若識無心含有象許
君親見伏羲來半夜一本作平地

觀林長仁書卷戲題問答

猿去山空鶴亦飛柴門空掩釣魚磯門前樹葉都黃了何
事幽人久不歸

為愛雲泉百尺飛故將茅屋傍苔磯幾年清夢黃塵裏此
日秋風一棹歸

題嚴居厚溪莊圖

平生生涯一短篷只今回首畫圖中平章箇裏無窮事要
見三山老放翁謂陸務觀時嚴居厚之官剡中

承事卓丈置酒白雲山居飲餞致政儲丈叔通因出

佳句諸公皆知和

作白雲寺送儲

輒亦繼韻聊發坐中一笑此題一本

老去讀書秋樹根山林女定誰尊偶緣送客來僧寺却
似披雲卧石門物外成跌蕩人間何處不啾喧一杯
且為陽關盡雙目從教別淚昏東坡賦徐德占舊居有一
為兒女宛始覺山林尊之

丙辰正月三日贈彭世昌歸山

象山聞說是君開雲木參天瀑響雷好去山頭且堅坐等
閒莫要下山來

懷潭溪舊居

憶住潭溪四十年好峰無數列窻前雖非水抱山環地却
是冬温夏冷天遠舍扶疎千箇竹傍崖寒冽一泓泉誰教

失計東遷繆德卧西窻日滿川

戲答楊庭秀問訊離騷之句二首

昔誦離騷夜扣舷江湖滿地水浮天只今擁鼻寒窓底爛却沙頭月一船

春到寒汀百草生馬蹄香動楚江聲不甘強借三峰面且

為靈均作杜蘅佛法不怕爛却禪家語也杜蘅一名馬蹄香本草辨偽藥云細辛作杜蘅水浸令直

三峰謂華陰也

蒙恩許遂休致陳昭遠丈以詩見賀已和答之復賦

一首

闌干首蓓久空繁未覺清羸帶眼寬老去光華姦黨籍向來羞辱侍臣冠極知此道無終否且喜閒身得暫安漢祚中天那可料明年大歲又湯昆澱建隆庚申距今已未

年十歲時先君慨然顧語熹曰太祖受命至今百八十年矣嘆息久之銘佩先訓於今甲子又復一周而衰病零落終無以少塞臣子之責因和此詩并記其語以示兒輩為之盡然感涕云

已未九日子服老弟及仲宣諸友載酒見過坐間居

厚廟令出示佳句歎伏之餘次韻為謝并呈同社

諸名勝

籬菊斑斑半吐黃泝中又報紫萸香輞川有茱萸泝字與泝同衰成令

節秋還晚撩得高情老更狂載酒極知垂勝踐沾衣却免

歎斜陽是日本約會於周園屬予有故不果出因集予舍餘年只恐逢辰少吟罷

君詩引興長

和劉叔通懷游子蒙之韻

扣角聽君悲復悲壯心未已欲何之交遊半落丘山外離別偏傷老大時尚喜淵潛容賈誼不須日飲教袁絲病餘

我更無慘賴勉爲同懷一賦詩余素不能作唐律和韻九
疆子服乃今更爲手寫此三詩者不知欲以何用晨起書
罷欲記歲月方覺是庚申開基節日此亦難逢之會感
久之

叔通老友探梅得句不鄙垂示且有領客攜壺之

次韻爲謝聊發一笑

迎霜破雪是寒梅何事今年獨晚開應爲花神無意管故
煩我輩著詩催繁英未怕隨清角疎影誰憐蘸綠杯珍重
南鄰諸酒伴又尋江路覓香來

寄江文卿劉叔通

文卿句律如詩律通叔詩絕世情政使暮年窮到骨不
教吟出斷腸聲

詩人從古例多窮林下如又兩翁應笑湖南老賓友兩

年吹落市塵中

北戴子蒙恐落窮籍不便可一

我窮初不爲能詩笑殺吹竽濫得癡莫向人前浪分雪世
間真偽有誰知僕不能詩住歲爲澹菴胡公以此論薦平
生僥倖多類此云

梅

姑射仙人冰雪容塵心已共彩雲空年年一笑相逢處
在愁煙苦霧中

次晦叔寄弟韻二首

聞道君歸湘水東經行長在白雲中詩成天柱峰頭月酒
醒朱陵洞裏風舊學難酬香一瓣流年誰管鬢雙蓬書來
爲指諸訛處不涉言詮不落空

試上闕山望楚天雁飛欲斷勢還連憑將袖裏數行字與
問雲間雙鬢仙我訪舊遊終有日君歸故里定何年祇今

千里同心事靜對簾孤獨喟然

次范碩夫題景福僧開窻韻

昨日土墻當面立今朝竹牖向陽開此心若道無通塞明暗何緣有去來

吳山高

行盡吳山過越山白雲猶是幾重關若尋汗漫相期處更在孤鴻滅沒間

苦雨用俳諧體

仰訴天公雨太多纔方欲住又滂沱九關虎豹還知否爛盡田中白死禾

楚詞招魂云虎豹九關啄害下人些

蘭

謾種秋蘭四五莖疎簾底事太關情可能不作涼風計護

得幽香到晚清

讀十二辰詩卷掇其餘作此聊奉一笑

夜聞空簾齧鼠曉駕羸牛耕廢圃時才虎圈聽豪夸舊業兔園嗟鹵莽君看螫龍卧三冬頭角不與蛇爭雄毀車殺馬罷馳逐烹羊酤酒聊從容手種猴桃垂架綠養得鷓鷄鳴角角客來犬吠催煮茶不用東家買猪肉

水口行舟二首

昨夜扁舟雨一蓑滿江風浪夜如何今朝試卷孤蓬看依舊青山綠樹多

鬱鬱層巒夾岸青春山綠水去無聲望波一棹知何許鷓鷄兩山相對鳴

桐廬舟中見山寺

一山雲水擁禪居萬里江樓遶屋除行色怱怱吾正爾春
風處處子何如江湖此去隨漚鳥粥飯何時共木魚孤塔
向人如有意他年來借一蘧蔭

胡文廣仲與范伯崇自嶽市來同登絕頂舉酒極談
得聞此日講論之樂

我已中峰住君從何處來莫留巖底寺徑上月邊臺濁酒
團圍坐高談次第開前賢渺安在清酌寄餘哀

石湖詩鈔

五四

范成大字致能吳郡人也紹興擢進士第授戶曹監和
劑局遷正字累遷著作佐郎除吏部郎官奉祠起知處
州入爲禮部員外郎兼崇政殿大學士使金國歸除中
書舍人出知廣西靜江府除敷文閣待制四川制置使
召對除權吏部尚書拜叅知政事奉祠起知明州除端
明殿學士尋帥金陵進資政殿學士再領洞霄宮加大
學士卒所居石湖在太湖之濱阜陵宸翰扁之其詩
而不釀縮而不窘新清嫵媚奄有鮑謝奔逸俊偉
太白當是時石湖與楊誠齋陸放翁尤遂初皆南
大家也誠齋言余於詩豈敢以千里畏人者而於
斂衽焉

河豚嘆

鱖生藜莧腸食事一飽足腥腐色所難况乃衷醜毒膠膏
強名魚殺氣孕慘黷既非養生具宜謝砧几酷吳儂真差
事網索不遺育相生決下箸縮手汗童僕朝來里中子饒
吻不待熟濃睡喚不膾已落新鬼錄百年三寸咽水陸富
肴兼一物不登俎未負將軍腹爲口忘計身饕死何足哭
作備者誰歟至今走末俗或云先王意除惡如蕪菽逆梟
與毒獍歲歲參幣玉芟夷入薦羞蓋欲殲種族死生有定
數斷命烏可續適丁是時者未易一理局龜鼎子公怒羊
羹華元衄異味古所珍無事苦畏縮駢頭訂此語戒論祇
取瀆孽盲死不悟明知諒已燭

續長恨歌七首

金盤激灑曉粧寒國色天香勝牡丹白鳳詔書來已暮六
宮鉛粉半春闌

紫微金屋閉春陽石竹山花却自芳莫道故情無覓處領
巾猶有隔生香

聞道蓬壺重見時瘦來全不耐風吹無端卻作塵間念已
被仙宮聖得知

別後相思夢亦難東虛雲路海漫漫仙凡頓隔銀屏影不
似當時取次看

人似飛花去不歸蘭昌宮殿幾斜暉百年只有雲容姊習
得當時舊舞衣

驪山六十二高樓突兀華清最上頭玉羽川長湘浦暗三
郎無事更神遊

帝鄉雲馭若爲留八景三清好在否玉笛不隨雙鶴法入
間猶得聽梁州

過平望

寸碧闖高浪孤墟明夕陽水柳搖病綠霜蒲蘸新黃孤嶼
乍舉網蒼烟忽鳴榔波明荇葉顛風熟蘋花香鷄犬各村
落蓴鱸近江鄉野寺對客起樓陰濯滄浪古來離別地清
詩斷人腸亭前舊時水還照兩鴛鴦

長安關

斗門貯淨練懸板淙驚雷黃沙古岸轉白屋飛簷開是間
衰丈許舳艫蔽川來千車擁孤隧萬馬盤一坏篙尾亂若
雨檣竿束如堆摧摧勢排軌洶洶聲喧阗偏仄復偏仄誰
有少徘徊傳呼津吏至弊蓋凌高埃聶嘯議譏征叫怒不

可哉吾觀舟中子一省可哀夫爲學利學小者飢寒催
古今其來往所得隨飛灰我乃畸旅人胡爲乎來哉

兩木

壬申五月病卧北窓惟庭柯相對手植綠橘枇杷皆森
然出屋枇杷已著子橘獨十年不花各賦一首

枇杷昔所嗜不問甘與酸黃泥裹餘核散擲籬落間春風
拆勾萌樸楸如榛菅一株獨成長蒼然齊屋端去年小試
花瓏瓏犯水寒化成黃金彈同登桃李盤大鈞播羣物幹
旋不作難樹老人何堪攬鏡覓朱顏頰鬢爾許長大笑歌
中冠

綠橘生西山得自壽翁家云此接活根是歲當著花僂仰
乃十霜垂蠹紛相遮芳意竟寂寞枯枝設槎牙風土諒非

宜翁言豈予夸會令返故山高深謝汚邪石液滋舊根山
英耀新葩黃圃挂霜實大如崆峒瓜當有四老人來駐七
香車

落鴻

落鴻聲裏怨關山淚濕秋衣不宥乾只道一番新雨過誰
知雙袖倚樓寒

浙江小磯春日

客裏無人共一杯故園桃李爲誰開春潮不管天涯恨更
捲西興暮雨來

二月三日登樓有懷金陵宣城諸友

百尺西樓十二欄日遲花影對人間春風已入片時夢寒
食從今數日間折柳故情都望斷落梅新曲與誰關詩成

欲訪江南便千里煙波萬疊山

代聖集贈別

一曲悲歌水倒流尊前何計緩千憂事如夢斷無尋處人
似春歸挽不畱草色粘天鷓鴣恨雨聲連曉鷓鴣愁迢迢
綠浦帆飛遠今夜新晴獨倚樓

寒食郊行書事二首

野店垂楊步荒祠苦竹叢鷺窺蘆泊水鳥啄紙錢風媪引
濃粧女兒扶爛醉翁深村時節好應爲去年豐
隴麥欣欣綠山桃寂寂紅帆邊漁蕩浪木末酒旗風信步
隨芳草迷途問小童賞心添脚力呼渡過溪東

初夏二首

清晨出郭更登臺不見餘春只麼回桑葉露枝蚕向老菜

花成莢蝶飛來
晴絲千尺挽韶光
百舌無聲燕子忙
永日屋頭槐影暗
微風扇裏麥花香

曉行

篝燈驛吏喚人行
寥落星河何五更
馬上誰驚千里夢
石頭剛下小車聲

秦淮

不將行李試開關
誰信江湖道路難
腸斷秦淮三百曲
船頭終日見方山

白鷺亭

倦遊客舍不勝閒
日日清江見倚欄
少待西風吹雨過
更從二水看淮山

脂井三首

昭光殿下起樓臺
拌得山河付酒盃
春色已從金井去
月華空上石頭來
午睡醒來一夢非
匆匆玉樹逐春歸
臙脂却作千年計
不似愁魂四散飛
腰支旅拒更神遊
桃葉山前水自流
三十六書都莫恨
頻將歌舞過揚州

九月三日宿胥口始聞雁

故人久不見
乍見雜悲喜
新雁如故人
一聲驚我起
把酒不能觴
送目問行李
曾云行路難
空濛千萬里
塞北多關山
江南渺雲水
風高吹汝瘦
旅伴今餘幾
斜行不少駐
滅沒蒼煙裏
羈遊吾亦倦
客程殊未已
扁舟費年華
短纜

沙尾物性各有役冥心聽行止江郊匝地熱塲圃平如砥
歸期且勿念共飽豐年米

姑惡

姑惡水禽以其聲得名世傳姑虐其婦婦死所化東坡
詩云姑惡姑惡姑不惡妾命薄此句可以泣鬼余行茗
雪始聞其聲晝夜哀厲不絕客有惡之以爲此必子婦
之不孝者余爲作後姑惡詩

姑惡婦所云惡是婦偏辭姑言婦惡定有之婦言姑惡未
可知姑不惡婦不死與人作婦亦大難已死人言尚如此

大暑舟行含山道中雨驟至霆奔龍挂可駭

隕雲曖前驅連鼓訶後殿駸駸失高丘擾擾暗古縣白龍
起幽蟄黑霧佐神變盆傾耳雙噴斗暗目四眩帆重腹逾

飽榜潤鳴更健圓漪暈雨點濺滴走波面伶俚愁孤鴛鴦
閃亂飢燕麥老枕水卧秧穉與風戰牛蹊岌城沈蟻隧洶
甌建水車競施行歲事敢休宴伊啞嘯簧鳴軛轡連鎖轉
駢頭立婦子列舍望宗伴東枯駭西潰寸涸驚尺澱嗟予
豈能賢與彼亦何辨扁舟風露熟半世江湖徧不知憂稼
穡但解加餐飯遙憐老農苦敢厭遊子倦

題畫卷二首

鑿落秋水石明高楓老柳兩灘橫君看墨嶽雲容變
有中宵雨意生

欹傾棧路繞山明隔隴人家犬吠聲無限白雲堆去路不
知誰識許宣平

立春日郊行

竹擁溪橋麥蓋坡土牛行處亦笙歌
麴塵欲暗垂垂柳醉面初明淺淺波
日滿縣前春市合潮平浦口暮帆多
春來不欲無兼句奈此金旛綵勝何

晚潮

東風吹雨晚潮生疊鼓催船鏡裏行
底事今年春漲小去年曾與畫橋平

一篙

一篙新綠浦東西雪絮漫江雁不飛
宿雨纔晴風又轉片帆那得及時歸

碧瓦

碧瓦樓前繡幙遮赤欄橋外綠溪斜
無風楊柳漫天絮不雨棠梨滿地花

暮春上塘道中

客舍無煙野水寒競船人醉鼓闌珊
石門柳絮清明市洞口桃花上巳山
飛絮著人春共老片雲將夢晚俱還
明朝遮入長安道慚愧江湖釣手閒

餘杭道中

落花流水淺深紅盡日帆飛繡浪中
桑眼迷離應欠雨麥鬢騷殺已禁風
牛羊路杳千山合鷄犬村深一徑通
五柳能消多許地客程何苦鎮匆匆

陳侍御園上坐

愁眼逢歡春水明詩情得酒春雲生
花梢蝴蝶作團去竹裏鶉鳩相對鳴
邂逅浮生此日好纏絲俗累何時輕
孽戕沫墨之奇句擲笛當筵慚妙聲

獨遊虎跑泉小庵

苔徑彎環入茅齋取次成蔓花綠壁起開草上階生宿雨
松篁色新晴燕雀生筒泉烹御米聊共老僧傾

樂神曲

豚蹄滿盤酒滿杯清風瑟瑟神欲來願神好來復好去男
兒拜迎女兒舞老翁翻香笑且言今年田家勝去年去年
解衣折租價今年有衣著祭社

繰絲行

小麥青青大麥黃原頭日出天色涼姑婦相呼有忙事舍
後煮繭門前香繰車嘈嘈似風雨繭厚絲長無斷縷今年
那暇織絹著明日西門賣絲去

田家畱客行

行人莫笑田家小門戶雖低堪洒掃大兒繫驢桑樹邊小
兒拂席軟勝氈木臼新春雪花白急炊香飯來看客好人
入門百事宜今年不憂蠶麥遲

催租行

輸租得鈔官更催踉蹌里正敲門來手持文書雜嗔喜我
亦來營醉歸爾牀頭慳囊大如拳撲破正有三百錢不堪
與君成一醉聊復償君草鞋費

癸亥日泊舟吳會亭

去年春盤浙江驛湛湛清波動浮石今年春盤吳會亭冥
冥細雨濕高城天邊作客風沙裏去年今年成老矣客心
古井冷無波過眼人情亦如水憶昔三生佳翠微偶來平
地著征衣山中故人應大笑扁舟之穩何當歸

題開元天寶遺事四首

御前羯鼓透春空笑覺花奴手未工一曲打開紅杏蕊須

知天子是天公

謝蠻舞袖貴妃絃秦國如花號國妍不賞羅頭三百裏阿

姨何處費金錢

朝天車馬詔頻催劇得新湯不敢開忽報豬龍掀宇宙阿

瞞空讀相書來

剝啄延秋屋上烏明朝箭道入東都宮中亦有風流陣不

及漁陽突騎粗

半塘

柳暗間門逗曉開半塘塘下趁溪回炊烟籠施船船過芳
草綠疑步步來

楓橋

朱門白壁枕彎流積李無言滿屋頭牆上浮圖路傍堠送
人南北管離愁

橫塘

南浦春來綠一川石橋朱塔雨依然年年送客橫塘路細
雨垂楊繫畫船

天平寺

舊遊彷彿記三年轟飲題詩月滿山山上白雲應解笑又
將塵土宛朱顏三年前至先兄與予同唐少梁登山絕頂
比歸迷路捫蘿而下夜以午僧散道
羣僮秉燭求余三人久而莫得以為已仙也是夜宿寺中
聯句達曉東坡曰自從有此人白石封蒼苔何嘗有此
將去復徘徊至今往來于余心

賀樂丈先生南郊新居

新堂燕雀喜竹籬挂藤蘿崩奔風濤裏得此巢龜荷西山
效爽氣南浦供清波會心不在遠容膝何須多先生淮海
俊踏地嘗兵戈飄飄萬里道芒鞋厭關河風吹落下邑楚
語成吳歌豈不有故國荒垣鞠秋莎無庸說當歸到處皆
南柯卜遷不我遐一水明青羅門戶長獨佳奈客剝啄何
會令蒼苔石屐齒如蜂窠

田舍

呼喚攜鉏至安排斜圃忙兒童眠落葉烏雀噪斜陽烟火
村聲遠林菁野氣香樂哉今歲事天末稻雲黃

病中夜坐

村巷秋春遠禪房夕磬深飢蛟管遶鬢暗鼠忽鳴琴薄薄
寒相中稜稜瘦不禁時成洛下詠卻似越人吟

十一月十二日枕上曉作

竹嚮風成陣窓明雪已花柴扉冷凍犬紙瓦啄飢鴉宿酒
欺寒力新詩管歲華日高猶擁被蓐食媿鄰家

除夜書懷

運斗寅杓轉周天日御回夜從冬後短春逐雨中來鬢綠
看看雪心丹念念灰有懷憐斷雁無息惜疎梅絮厚眼生
纈蔬寒腸轉雷燭花紅瑣碎香霧碧徘徊昨夢書三篋平
生酒一盃牀頭新曆日衣上舊塵埃搖落何堪柳紛紛各
夢槐隙光能幾許世事劇悠哉岐路東西變羲娥日夜催
頭顱原自覺懷抱故應開踴躍金何喜青黃木自災身謀
同斥鷃政爾願蒿萊

題張氏新亭

水楊成幄翠相遮猶有東風管物華葉底青梅無數子梢
頭紅杏不多花煩將練火炊香飯更引長泉煮鬪茶約我
詩成須疥壁莫噴欬側似歸鴉

病中絕句八首

空裏情知不著花逢場將病作生涯蒲團軟暖無時節夜
聽蚊雷曉聽鴉

溽暑熏天地湧泉鬱跼避濕挂行纏出門斟酌無忙事睡
過黃梅細雨天

石鼎颼颼夜煮湯亂拋參朮鬪溫涼化兒幻我知何用紙
與人問試藥方

病中心境兩俱降猶憶江湖白鳥雙一夜雨聲鳴紙瓦
成飛雪打船窓

簾頭排澗密如簾溪上層陰寒解巖最是看山奇絕處白
雲堆絮擁青尖

夜合稍頭蘸紫茸菜蕊頂上折黃封去年團扇題詩處依
舊疎簾細雨中

盆傾甌建夜翻渠遶屋蛙聲一倍粗想見西堂渾不睡明
朝踏濕看菖蒲

晴色先從喜鵲知斜陽一抹暝天西竹鷄何物能無賴如
許泥深更苦啼

雲間湖光亭

微風不動歛濤端組練晶晶色界寒斜照發揮猶未盡月
明殘夜更來看

雪霽獨登南樓

雪晴風勁晚來冰樓上奇寒病骨驚雀啄空簷銀笋墮
翻高樹玉塵傾青帘閃閃千家靜黃帽亭亭一水橫坐久
天容卻溫麗一彎新月對長庚

上沙遇雨快涼

刮地風來健葛衣一涼便覺暑光低雲頭龍挂如垂筋雨
在中峰白塔西

自天平嶺過高景庵

卓筆峰前樹作團天平頂上石成關綠陰匝地無人過落
日秋蟬滿四山

曉自銀林至東灞登舟寄宣城親戚

曉山障望眼脉脉紫翠橫澄江已不見况乃江上城結束
沿野裝木末浮三星羸馬隴頭嘶小車谷中鳴亭亭東灞

樹練練綠浦明篙師笑迎我新漲沒蘋汀徑投一葉去雲
水相與平聊將塵土面照此玻璃清懷我二三友高堂晨
欲興風細桐葉墮露濃荷蓋傾凝香繞燕几安知路傍情

復自姑蘇過宛陵至鄧步出陸

槩家饋食糧為藩酒市停驂竹廡門紅樹亭亭棲晚照黃
茅杳杳被高原飲溪有迹於菟過掠草如飛朴渥翻車靴
如溝平地少飽帆天鏡憶江村

南塘冬夜唱和

燃箕烘暖夜窓幽時有新詩趨唱酬為問灞橋風雪裏何
如田舍火爐頭寒釭欲暗吟方苦凍筆難驅字更道絕笑
兒癡生活淡略無歲晚稻梁謀

花山村舍

漳退離離露沙虛岸岸頽澗聲穿竹去雲影過山來柳菌
粘枝住桑花共葉開庵廬少來往門巷濕蒼苔

清明日狸渡道中

灑灑沾巾雨披披側帽風花然山色裏柳卧水聲中石馬
立當道紙鳶鳴半空墻間人散後鳥鳥正西東

南塘寒食書事

埂外新陂綠岡頭宿燒紅裹魚蒸菜把饋鴨鎖筠籠酒侶
晨相命歌場夜不空土風并節物不與故鄉同

高淳道中

路入高淳麥更深草泥沾潤馬駸駸雨歸隴首雲凝黛日
漏山腰石滲金老柳不春花自蔓古祠無壁樹空陰一
定屬前村店衮衮炊烟起竹林

宿牧馬山勝果寺

佛燈已暗還吐旅枕纔安卻驚月色看成曉色溪聲聽作
松聲

自寧國溪行至宣城舟人云凡百八十灘

波驚石險夜喧雷晚泊旗亭笑眼開林間行人緣底瘦適
從百八十灘來

晚步西園

料峭清寒結晚陰飛來院落怨春深吹開紅紫還吹落一
種東風兩樣心

早發竹下

結束晨粧破小寒跨鞍聊得散疲頑行衝薄薄輕輕霧看
放重重疊疊山碧穗炊烟當樹直綠紋溪水趁橋灣清會

百轉似吟客正在有情無息間

後催租行

老父田荒秋雨裏舊時高岸今江水傭耕猶自抱長飢的
知無力輸租米自從鄉官新上來黃紙放盡白紙催賣衣
得錢都納卻病骨雖寒聊免縛去年衣盡到家口大女臨
岐兩分首今年次女已行媒亦復驅將換升斗室中更有
第三女明年不怕催租苦

次韻子文衝雨迂使者道開子規

夢魂翺蝶翅鼻息吼鼉鼓喚起治曉粧馬嘶僮僕語汨泥
溷鳧鶩慚愧黃鵠舉猥吟陬隅池浪廢桔槔圃啼鵲撩客
心鉤引着何許請歌蘇仙詞歸耕一犁雨

次溫伯用林公正劉慶充倡和韻

前山後山梅子雨屯雲日夜相吞吐長林絕壑望不到時
有樵歸說逢虎奔溪朝來忽怒漲夾岸柳梢餘尺許屋頭
未放濃嵐散苦憶清光泛瓊宇客行落此亂山中但欲尋
人訴羈旅比鄰邂逅得清士眉宇津津佳笑語杯行起舞
出新句我氣已衰聊復鼓明年與君航太湖扁舟踏浪不
踏土沈沈玉柱闕仙扃矯矯虹梁浮水府目力無窮天不
盡卻笑向來誰縛汝

次韻溫伯謀歸

官路驅驅易折肱官曹隨處是愁城隨風片葉鄉心動過
雨千峰病眼明一轡何須嘗世味寸田久已廢吾耕羨君
早作歸歟計屈指從今幾合并

慶充自黃山歸索其道中詩書一絕問之

鳴騶如電馬如雷知是婆娑醉尉回常日錦囊猶有句况
從三十六峰來

賞雪騎鯨軒子文夜歸酒渴侍兒薦茗飲密漿明日
以詔同遊戲爲書事邀宗偉同作

溪山四時佳今夕更奇絕天公妙莊嚴施此一川雪飛花
浩如海眩轉寒空濶水西萬株樹玉塔照銀闕碧漢不受
凍長灘瀉清咽漁舟晚猶泛樵擔寒未歇懸知畫不到未
省詩能說歸來強搜句冰硯冷于鐵不如嚴夫子迎門生
暖熱梅香不可耐但覺酒腸渴密融花氣動茶泛乳膏發
寧辭春筍寒爲暖花蘂滑膏騰畫屏暖喚起眼餘纈喚我
獨何事作此淡生活想像高唐賦何如徑排闥

雪後守之家梅未開呈宗偉

瓦溝凍殘雪簷溜黏輕冰破寒一竿日春隨人意生端葉
再三白南枝尚含情定知司花女未肯嫁娉婷官居若無
賴一笑如何清落木露荒山寒溪遶孤城朝莫何所見雲
黃叫飢鷹東風不早計愁眼何當明北鄰小橫斜辭地可
班荆憑君趣花信把酒撼瓊英

次韻宗偉閱番樂

十日閒愁晝掩關起尋一笑共清歡罷休詩社工夫淡洗
淨書生氣味酸盡遣餘錢付桑落莫隨短夢到槐安綉靴
畫鼓畱花住剩舞春風小契丹

五月聞鶯二首

桑陰淨盡麥頭齊江上聞鶯每歲遲不及曉風鴨鵝子迎
春啼到送春時

一聲初上最高枝
怵殺嘔啞百舌兒
老盡西園千樹綠
卻憐槐眼正迷離

送子文雜言

陰谷雲低梅雨多
黃山滌源溪湧波
南風匝地送歸客
雙槳下瀨如投梭
嚴夫子君舉酒我其爲
君歌萬山叢叢石鑿鑿
官居破屋巢烟蘿
杜鵑曉啼猿莫叫
客行到此真蹉跎
窮愁無復理一飲三嘆息
城東費舍有佳人邂逅使我加餐食
同鄉更同調目擊心已傳
蟄蟲欲作雷奮地萬籟方寂
風行山吹竽喚我醒
連鼓相追攀馳車電轂不可輦
但覺兩腋生飛翰
狂歌不必終曲戲
奕不必滿局有時不揖上馬去
出門大笑驚僮僕
窮鄉眼冷見未曾
道上嘯嘯相指目云此漚隘何以有二士
直恐翩翩跨黃鵠
廣文組解登王叢諸公貴人爭勸歸
常日心期有定論
贈行不惜重費詞
腰金佩玉衆目好折簡
沈碑千載癡一尊
有意重山嶽五鼎無心輕網絲
嚴夫子應領略
別後頻書相發藥我旣爲萬頃之狎鷗
君勿作九臯之鳴鶴

新館

露稻黏明璫
風芽袞高浪
荒荒白楊道
行行亂蟲響
日脚午未吐
雲頭晚猶漲
欣此半日涼
藍輿走清曠
病客不堪暑
茲行天官相
蚊蟲掃無迹
秋意滿千嶂
相尋泉石盟
略褫簿書障
鵠原定相念
因風報無恙

臨溪寺

萬山遶塹冷
二水奔瀆洞
亭亭林中寺
金碧燦欄棟
解鞍得蒲團
臥受瓦爐供
少捐一炊頃
暫作百年夢
無人自驚

石湖詩集 卷之六
覺幽禽正清唳倦客如殘僧無力供世用此行端爲山紫
翠迭迎送漱井出門去驚塵撲飛鞵

盤龍驛

聞鷄一唱罷占星三斗沒天高月徘徊野曠山突兀暗螢
泣草露怨亂語還咽涼螢不復舉點綴稻花未惟餘絡緯
豪悲壯殷林樾小蟲亦何情孤客心斷絕魂驚板橋穿足
側石子滑行路如許難誰能不華髮高城謾回首疊嶂屹
天闕遙知秋衾夢千里一飄忽

竹下

松杉晨氣清桑柘暑陰薄稻穗黃欲卧槿花紅未落秋鶯
尚嬌蛇晚蝶成飄泊犬駮逐車馬雞驚撲籬落道逢行商
問平生幾芒屨頰肩走四方爲口不計脚劣能濡單瓢包

敢議囊橐我亦糜斗升三年去丘嫂二俱亡羊 未用苦

商略

寒亭

溝塍與澗合隴畝抱山轉向來六月旱此地免焦卷早穗
已垂垂晚苗猶剪剪一川豐年意比屋鬧雞大老農霜鬚
鬢矍鑠黃犢健自云足蹈地常賦何能免刈熟倩人輸不
識長官面康年無復事但恐社酒淺我亦有二頃收拾尚
可爾懷哉笠澤路歸鑿犁頭蘇

清逸江

微生本漁樵長日渺江海扣舷濯滄浪尚說天宇隘塌來
車馬路悒悒佳息敗黃塵撲眉鬚驅逐似償債羸驂繫偏
仄狂犬吠荒怪鄉心入旅夢一葉舞澎湃晨興過墟市喜

有魚蝦賣眼明見清江積雨助橫瀆褰裳喚扁舟馳龜不
勝載不辭野渡險弄水聊一快

新嶺

瘦馬兀背騰荒鷄號蒼莽絲窠冒朝露籬落萬蛛網宿雲
拂樹過飛泉擘山響老桑踞潜蚪怪蔓挂騰蟒山行何許
深空翠滴羈鞅釀愁積雨寒破悶朝日放瞳瞳赤幟張昱
昱金鉦上浮動草花馥清和野禽唱僕夫有好語沙平路
如掌惟憂三溪阻橋斷山水漲

送通守趙積中朝議請祠歸天台

城頭千峰青繞屋城下灘流三百曲誰云偏仄復偏仄尚
有高軒肯來辱紅梅花下兩芳春風惠和如主人捨攘
塵土簿書裏見此縑籍天球溫厚祿故人車結轍掉頭獨
泛清溪月不從世外得超然世間誰肯如公決生平我亦
一沙鷗葦白蘆黃今正秋送公使我歸思動破烟衝雨憶
扁舟明年想見東山起我亦煎茶石橋水道逢篋笠把漁
竿卽是馬曹狂掾史

送詹道子教授奉祠養親

新安學宮天下稀先生孝友真吾師斑衣誤作長裾曳二
年思歸今得歸賤詞上訴人叵挽璽書賜可葦公歎青山
百匝不畱人空畱諸生遮望眼白雲孤起越南天向來恨
身無羽翰下馬入門懷橘拜身今却在白雲邊鶴髮鬢鬢
堂上坐兒孫稱觴婦供果世間此樂幾人同看我風前孤
淚墮一盃送舟下水西我欲贈言無好詞徑須喚起東廣
微爲伊重補南陔詩

嚴州

城府黃塵撲馬鞍一篙重探水雲寒耳邊眼底無公事睡
過嚴州二百灘

釣臺

山林城市兩塵埃邂逅人生有往來各問此心安處住釣
臺無意壓雲臺

富陽

不到江湖恰五年歛山青遶屋頭邊富春渡口明人眼落
日孤舟浪拍天

餘杭

春晚山花各靜芳從教紅紫送韶光忍冬清馥薔薇醞薰
滿千村萬落香

挿秧

種密移疎綠毯平行間清淺穀紋生誰知細細青青草中
有豐年擊壤聲

曬繭

隔籬處處雪成窩牢閉柴荆斷客過葉貴蠶飢危欲死尚
能包裹一絲窠

次韻甄雲卿晚登浮丘亭

賓筵舊壓三千客燕榭新高十二城潑墨雲頭連樹暗垂
絲雨脚過溪生葛巾羽扇吾身健雪碗冰瓠子句清從此
相從須痛飲故應此事勝公榮

古風上知府秘書二首

神仙絕世立功行聞清都玉符賜長生薊雲遊紫虛雞犬

爾何知偶哉藥鼎餘身輕亦仙去罡風與之俱俯視舊龜
落眇莽如積蘇非無鳳與麟終然似蟲魚微物豈有命政

爾謝泥塗時哉適丁是邂逅真良圖

大鵬上扶搖南溟聒天沸斥鷃有羽翼意滿蓬蒿裏不知
附驥蠅掣電抹荆蘄誰云極么麼俛仰且萬里向來庭中
間決起不踰咫飄飄託方便意氣乃如此物生未可料且
暮儻逢世君看功名場得失一交臂

拄笏亭晚望

林泉隨處有清涼山遶闌干客自忙溪雨不飛虹尚飲亂
蟬高柳滿斜陽

桑嶺

回腸山百盤揮手天一握俯驚危棧穿仰詫飛石落倪

如挽舟絕叫斷雙笳怪蔓纏枯槎瘠草披幽壑此宜車馬
路誰云強判鑿人言遠遊好呼來試着脚

次景琳錄事贈別韻

放船鳴榔便秦吳送別空煩長者車宿霧鎖山常暮暮斷
雲將雨忽疎疎高城五嶺花淡處短棹三江木落初賴得
溪流通尺素蒲根仍有一雙魚

客中呈幼度

手板頭銜意已慵墨池書枕興無窮釀泥溪巷五更雨吹
酒小樓三面風草色有無春最好客心去住水長東今朝
合有家書到昨夜燈花綴玉蟲

送汪聖錫侍郎帥福唐

承明纔入又南州重見旌旗照柁樓道義平生無捷徑風

石湖言金
二十一
波隨處有虛舟如公未可違文石稽古何妨欠碧油我亦
登門煩著錄此行無力爲王留

長至日與同舍遊北山

歲晚山同色湖平霧不收寒雲低閣雪佳節靜供愁竹栢
森嚴立蒲荷索莫休瘦筇知脚力政爾耐清遊

次韻胡邦衡秘監

斯言向來立千古敢疵瑕有命孤蓬轉何心勁箭加人窮
名滿世天定客還家回首冥恩怨虛空不着花

送周子充左史奉祠歸廬陵

黃鵠飄然下九關江船載月客俱還名高豈是孤臣願身
退聊開壯士顏傾蓋當年真旦暮雪巾明日有河山後期
淹速都難料相對猶憐鬢未斑

